

No. G.3897 18

Vol 2



Bought with the
Charlotte Harris Fund
Charlestown Branch.



BOSTON PUBLIC LIBRARY



3 9999 06571 380 0





Digitized by the Internet Archive
in 2010 with funding from
Boston Public Library

35 77. 16 Jan, 1631

ARRREST

NOTABLE DE LA COVR
de Parlement , portant regle-
ment entre les President , Lieute-
nant General , Lieutenant Parti-
culier , Assesseur & Conseillers
des Sieges Presidiaux.



*plumet du
manier .*

A PARIS;

Par ANTOINE ESTIENE, P. METTAYER,
& C. PREVOST, Imprimeurs
ordinaires du Roy.


M. DC. XXX.

Avec privilege de sa Majesté.

107

1852

NOTY LA LA GOV
LA FARMER, HONORARY
MEMBER OF THE
SOCIETY OF
FARMERS &
GARDENERS



THE
LIBRARY

1852
THE
LIBRARY
OF THE
SOCIETY OF
FARMERS &
GARDENERS

EXTRACT DES Registres de Parlement.

NOTRE M^e René le Vayer Conseiller du Roy, Lieutenant General, Commissaire Examineur en la Senechaussée & Siege Presidial du Mans, demandeur en règlement suivant la Commission du 20. Novembre 1626. & demande par luy baillée par écrit le 10. Avril 1627. d'une part. Et M^{es} Jacques Riviere Assesseur, Pierre Gilles, Doyen, & les Conseillers audit Siege, defendeurs, d'autre. Et entre M^e Thomas Du pont, Philippes le Tourneur, Felix le Gras, Jean de la Riviere, Jacques Amellon, & René le Gendre, Conseillers audit Siege, opposans à l'homologation de certain règlement fait entre les Officiers dudit Siege, le 15. Feurier 1625. & demandeurs en interuention & en reglemēt, suivant la requeste par eux presentee le 9. Iuillet 1627. & demande faite le 26. Nouëbre audit an 627. & addition de demande du 7. Ianuier 1628. d'une part. Et M^e Roland Marest, Conseiller du Roy & President audit Siege, defendeur d'autre. Et encore entre ledit le Vayer Lieutenant General, demãdeur en interuētion, suivant la requeste par luy presentee

à la Cour le 13. Feurier 1629. d'une part, & les
dits Marest President, Dupont & consors, &
M^e Jacques le Diuin Lieutenant Particulier au
dit Siege, defendeurs d'autre. Et encore entre
ledit le Vayer Lieutenant General, demandeur
aux fins d'une commission du 18. Decembre 1627
& demande par luy baillée par escrit le 21. Jan-
uier 1628. d'une part, & ledit le Diuin Lieutenā
Particulier, defendeur d'autre. Veu par la Cour
la commission & demande en reglement dudit
le Vayer des 20. Novembre 1626. & 10. Auri-
1627. la requeste d'intervention en la susdite in-
stance desdits Dupont, le Tourneur, le Gras, de
la Riviere, Amellon & le Gendre, Conseillers
audit Siege: demande par eux faite & addition
d'icelle du 26. Nbuembre 1627. & 7. Januier
1628. Arrest du 17. Decembre 1627. par lequel
sur la demande dudit le Vayer contre lesdits
Assesseur & Conseillers, intervention desdits
Dupont & consors Conseillers, & demandes
en reglement par eux faites, les parties auroient
esté appointees à escrire & produire dans trois
iours. Autre appointement du 4. Mars 1628.
par lequel sur lesdites demandes & addition
desdits Dupont & consors; après que ledit le
Vayer auroit employé pour defenses la deman-
de en reglement par luy faite, & lesdits Asses-
seur & Conseillers ce qu'ils auoient escrit &
produit par leurs defenses, les parties auroient

esté appointees en droict & joint; Escritures & productions desdites parties, mesmes la requeste dudit le Vayer du 23. Decembre 1627. portant employ pour toutes escritures & production de ce qu'il auoit escrit & produit suivant ledit reglement du 17. Nouembre 1627. Arrest du 15. Mars 1628. par lequel auroit esté ordonné que les productions seroient communiques pour y bailler contredits & saluations: Contredits desdits le Vayer, Dupont, le Tourneur & consors: forclusion d'en fournir par lesdits Assesseurs & Conseillers: la commission & demande desdits Dupont, le Tourneur & consors du 26. Feurier 1629. tendant à ce que l'Arrest qui interuiendrait avec ledit le Vayer Lieutenant General, fust déclaré commun avec ledit Marest President: defenses dudit Marest, appointment en droict & joint du 24. Octobre 1628. escritures & productions des parties, la requeste d'interuention dudit le Vayer du 13. Feurier 1629. par laquelle il auroit esté receu partie en l'instance desdits Dupont & consors, & dudit Marest: appointment en droict & joint du dernier Feurier 1629. Production dudit le Vayer contre ledit Marest, employee contre lesdits Dupont & consors Conseillers, par la requeste du 22. Nouembre audit an 629. celle desdits Dupont & consors, faite tant contre ledit le Vayer, que contre lesdits Marest &

le Diuin ; forclusions d'y répondre par iceux Marests & le Diuin: Requeste desdits Dupont & consors du 11. Decembre dernier, par laquelle l'Arrest à contredire cy-dessus datté, auroit esté déclaré commun esdites instances: contredits desdits Vayer Dupont & consors; forclusions d'en fournir par lesdits Marest & le Diuin; apres que lesdits Dupont, le Vayer & consors, ont employé ce qu'ils ont escrit & produit par leur requeste du 11. Decembre dernier, requeste desdits Riuiere, Doyen & autres Conseillers du Siege, du 15. dudit mois de Decembre 1629. sur laquelle acte leur auroit esté baillé de ce qu'ils se sont joints purement & simplement avec lesdits Dupont & consors, signifiée & mise au sac de l'ordonnance de la Cour. Requeste dudit le Vayer du dernier Ianuier 1630. portât offre de rembourser par iceluy le Vayer ausdits Conseillers, la somme de huit cents escus, par eus payee pour leur part des Offices de Commissaires Examineurs, par accord du 10. Nouembre 1597. Ladite requeste communiquée & mise au sac de l'ordonnance de la Cour. Arrest du 18. Ianuier, par lequel l'instance d'entre ledit le Vayer demandeur aux fins d'une commission du 8. Decembre 627. & demande par luy faite le 28. Decembre 1628. d'une part, & ledit le Diuin defendeur d'autre, auroit esté disjointe dudit procez: Oüy ledit le Vayer en

ladite Chambre: conclusions du Procureur General du Roy, & tout consideré; D I C T a esté, que la Cour faisant droit sur lesdites instances, a enjoint à iceux President, Lieutenant General, Lieutenant Particulier, Assesseur & Conseillers, se rendre au Palais en habits decents pour y tenir les Audiences, faire appeller les causes à tour de roolle, & juger les procez en la Chambre du Conseil aux iours & heures ordinaires: A sçauoir les Audiences de la Iurisdiction Presidiale, aux Mardis, Vendredis & Samedis, & celles de l'ordinaire aux Mercredis & Ieudis, depuis huit heures du matin iusques à dix; & que les Mercuriales seront tenuës suiuant l'Ordonnance de mois en mois. A ordonné & ordonne, que la distribution sera faite des procez les Samedis de chacun mois à vne heure après midy par ledit Lieutenant General, appelez deux desdits Conseillers, vn ancien & vn des ieunes, chacun à son tour, & l'vn apres l'autre, & d'vn des Greffiers. A laquelle assistera ledit Marest President, si bon luy semble, aux procez qui seront du premier & second chef de l'Edict des Presidiaux, ensemble des autres procez; au cas que pour raison de la distribution d'iceux, il y eust diferend entre les Officiers du Siege, suiuant l'Arrest du 25. May 1574. Esquelles distributions entreront tous procez & instances qui seront en estat de iuger ou autre.

ment ; ensemble les defauts & congez emportans profit, les autres non emportans profit demeurans au Lieutenant General seul. Faisant laquelle distribution, le Lieutenant General prendra vn procez par preciput, & vn autre à son choix, & le surplus sera distribué également selon l'ordre du tableau, & sans que le Lieutenant General és distributions des procez Presidiaux, puisse pretendre aucun preciput, ni faire aucune distribution par anticipation. S'il ne se trouue nombre suffisant de procez pour remplir tous les Conseillers, la distribution suiuant se commencera à celuy auquel elle aura finy. A fait & fait inhibitions & defences au Greffier & ses Commis, de deliurer aucunes Sentences sur dictums, qu'il ne leur paroisse de la distribution faite au Rapporteur, & que le dictum ne soit signé de sept Iuges, si le procez a esté iugé Presidialement, & de cinq, s'il a esté iugé à l'ordinaire, à peine de nullité, dommages & intersts des parties. Et fera ledit Greffier, ou son Commis, mention en la grosse des Sentences des noms de ceux qui auront signé lesdits dictums : lesquels dictums seront par les Rapporteurs des procez apportez en la Chambre du Conseil, pour y estre leuz & signez par ceux qui auront assisté au iugement. Tiendront les Greffiers de la Senechaussee & d'Appeaux, fidel registre des iours que les sacs leur seront apportez

apportez, & les procez produits au Greffe, sans
 en pervertir l'ordre, à peine de cent liures d'a-
 mende, payable & sans deport: lesquels regi-
 stres ils représenteront à chaque distribution.
 Appartiendra au Lieutenant General seul, l'e-
 xecution de tous Arrests & Commissions du
 Roy, de la Cour, & du Grand Conseil, ores
 quel l'adresse en fust faite au Senechal du Mai-
 ne, ou ses Lieutenans, Assesseur ou premier
 Conseiller sur ce requis. Fera seul les baux à
 ferme & ventes iudiciaires aux iours de Lun-
 dy, depuis dix heures du matin jusques à vnze,
 publiquement en l'Audience, les plaids tenans.
 Auquel lieu se feront aussi par lui toutes publi-
 cations de Lettres patentes, d'Arrests, de ces-
 sions de biens, certifications de criées, publi-
 cations, & insinuations de donations, ventes de
 fruiçts, adiudications par decret, licitations &
 ventes de biens de mineurs non saisis, sans au-
 cun salaire. Comme aussi aura ledit Lieutenant
 General l'instruction de tous procez ciuils, tant
 au Presidial qu'à l'ordinaire, & criminels inci-
 dents audit Ciuil, decrets, interrogatoires, ex-
 traits & collations, rapports de lurez, aduis de
 parens, tutelles & curatelles, separations de
 biens, monstrees de choses contentieuses, exe-
 cutions de retraits, receptions de cautions, &
 requestes; pour les réponses desquelles reques-
 tes neantmoins il ne prendra aucun esmolu-

ment. Et pour le regard des inuentaires, partages, confectiions d'enquestes attribuees aux Commissaires Examineurs, appreciations d'heritages, taxes de despens de l'Audience, liquidations de dommages & interests, frais de Commissaires, ordre de distribution de deniers entre creanciers opposans, & autres actes qui se feront par le Lieutenant General, comme Commissaire Examineur, tant en sa maison qu'ailleurs, les esmolumens en prouenans seront partagez par moitié entre lesdits Lieutenant General & Particulier d'une part, & lesdits Assesseur & Conseillers du Siege d'autre, suiuant & conformément à l'accord fait entr'eux le dixième Nouëbre cinq cēs quatre vingt dix-sept, qui sera gardé & entretenu entre les parties, nonobstant les offres de rēboursement par eux respectiuellement faites. Et s'il suruient aucun incident, sur les débats formez ausdits ordres & auditions de comptes, ledit Lieutenant General sera tenu les receuoir au Siege, ou appointer à produire, auquel cas ils entreront en distribution comme les autres procez. Les requestes neātmoins qui seront presentees aux procez distribuez, seront baillees au Rapporteur, & iugees en la Chambre à son rapport. Auquel aussi appartiendra l'execution des Sentences diffinitives ou interlocutoires, & les incidents qui pourront naistre, procedans de la-

ladite execution, entre les mesmes parties, ou autres interuenantes, jointes ou euoquees; & en son absence ladite execution appartiendra au Lieutenant General, si lesdits incidents ne sont distribuez: lesquels toutesfois leur tiendront lieu de procez à la prochaine distribution. En l'absence, maladie ou recusation dudit Lieutenant General, ce dont la connoissance luy appartient sera executé par le Lieutenant Particulier & Officiers du Siege, selon l'ordre du tableau: laquelle absence sera limitee à vingt-quatre heures pour les affaires sommaires, & trois iours pour les autres. Les espices tant des procez par escrit, instances, defaults, congez & contumaces emportans profits, seront taxez moderément par l'aduis de la Compagnie, moitié desquelles appartiendra au Rapporteur, & l'autre moitié à ladite Compagnie; lesquelles vne fois taxees, ne pourront estre augmentees. Quand vn procez commencé à rapporter, sera remis à vne autre seance, sera continué à la prochaine sans interruption, sinon pour cause d'importance. Les moyens de faux seront rapportez en la Chambre du Conseil par le Lieutenant General, si non qu'ils fussent formez au Greffe depuis le procez ou instances distribuees, auquel cas ils seront pris & rapportez par le Rapporteur. Tous actes de iurisdiction contentieuse seront

expediez dans le Palais ; & quant aux autres , le Lieutenant General , ou celui qui en son absence tiendra sa place , les pourra faire en sa maison : Comme aduis de parents , accords de conventions matrimoniales , tutelles & curatelles , & autres actes à luy appartenans cy-deuant exprimez. Ne pourront neantmoins rien expedier sans l'assistance d'un Greffier , ny ledit Greffier qu'en la presence du Iuge. Les recusations qui seront proposees contre lesdits Lieutenans & Conseillers, seront iugees suivant l'Ordonnance. Sera par chacun mois deputé l'un des Conseillers dudit Siege, & chacun d'eux à son tour, qui tiendra registre de tous les procez qui seront raportez & iugez. Les Officiers des Jurisdictions ressortissantes ausdits Sieges, ensemble ceus dudit Siege, qui sont sujets à examen, seront receus en la Chambre du Conseil , & les autres par le Lieutenant General en l'Audiance , information prealablement faite de leur vie & mœurs , Religion Catholique , Apostolique & Romaine, & de leur fidelité au service du Roy ; sans neantmoins qu'il puisse recevoir aucun Sergent à exercer par commission ny autrement. Ne pourra ledit Lieutenant General surseoir l'execution d'aucuns iugemens, ne faire aucune mainleuee des fruits du temporel des Benefices qui aurent esté saisis à la requeste du Substitut du Procureur General , par faute de residence,

parations faites ou autrement, sinon apres
 voir oüi, & par l'aduis de la Compagnie.
 pourra pareillement hors l'Audience, soit
 petit Parquet ou en sa maison, appointer les
 parties à mettre les pieces pardeuers luy, ains
 sera les affaires sommaires promptement &
 ques à dix liures seulement, ou les appointe-
 en droit à escrire & produire si le cas le re-
 iert. Et seront les appointemens & iuge-
 mens entre les Aduocats & Procureurs des
 parties, presentez & receus à l'Audience, ledit
 Substitut oüy; avec defences de iuger aucun
 proces ni instance tant ciuils que criminels,
 lesquels le Roy & le public auront interest,
 sans conclusions du Substitut. Ce qui sera or-
 donné estre fait d'office, se fera à la requeste du
 Substitut. A joint la demande faite par le
 Lieutenant General, concernant la presi-
 dence par luy requise aux iugemens des pro-
 ces & requestes desquels il sera Rapporteur,
 contenuë au 29. article de ses demandes, à l'in-
 stance d'entre le Lieutenant General & le Lieu-
 tenant Particulier, pour y estre fait droit ainsi
 que de raison. Et auant proceder au iugement
 des articles 42. & 43. de la demande dudit Lieu-
 tenant General, concernans la tenuë de la Tour-
 nelle, & iugemens des cas Preuostaux, ensem-
 ble des articles 9. 10. & 11. de l'addition de de-
 mande des Conseillers, & des articles 5. 6. 12.

23. & 26. de leur dernière demande, concernant les Greffiers & Clercs du Greffe dud Siege, ordonné que le Lieutenant Crimine Greffiers & Clercs dudit Greffe, seront appelez, pour eux cüys estre ordonné ce que de raison. Et cependant sera l'Arrest du 29. Aoul 1579. donné entre le Lieutenant General & le Lieutenant Criminel, executé selon sa forme & teneur : & sur le surplus des demandes respectiuement faites, a mis & met les parties hors de Cour & de procez. Et sera le present Arrest leu & publié audit Siege, & enjoint aux parties & tous autres, de le garder & obseruer selon sa forme & teneur, à peine de cent liures contre les contreuenans, sans despens. Prononcé le seizième Feurier mil six cents trente. Signé l'Euesque.





